

Guangjshih Minzcuz Bau

ganhhau: CN45-0036 B.2018 Nd.5 Ng.9 liggaeuq fouhswt nienz ndwensam ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3323期

Aen Ban Son'gyauq Sawcuengh Daengx Gih Minzyij Hidungj Ganbu Bi 2018 Haiban

2018 年全区民语系统干部壮文培训班开班

Ndwen 5 ngoenz 3, Swcigih Minzyijveij aen ban son'gyauq Sawcuengh daengx gih minzyij hidungj ganbu bi 2018 haiban denjlilj youq Guengjsae Sawcuengh Hagdangz banh. Swcigih Minzyijveij fucujyin Veih Yungjhungz、Yi Siz, Swcigih Minzyijveij Minzcuz Yijvwnz Fanh-yizcu、Guengjsae Sawcuengh Hagdangz mizgven bouxfucwz caeuq boushag、lauxsae gungh 20 lai bous camgya denjlilj.

Haiban denjlilj le, Veih Yungjhungz vih gyoengq boushag hwnjdangz. De hwnjdangz seiz gaenjdaet giethab daengx gih minzyij hidungj guh son'gyauq Sawcuengh gig miz yiyouqgaenj, lwnh le gij gihbwnj cingzgvang hong saw vah minzcuz gih raeuz hawj gyoengq boushag, ceijok le

gij yenzcwz hong saw vah minzcuz wnggai ciuqei haenx, caemhcai lwnhgangj le gij dazyinx ngeixnaemj、cujiyou moegbiu caeuq yinvu hong saw vah minzcuz guek raeuz seizneix caeuq coglaeng duenh seiz ndeu, lwnhgangj le gij cujiyou yinvu hong Sawcuengh Vahcuengh Swcigih Cwngfuj dinghcinj caeuq gij cwngcwz fapgvi fuengmienth hong saw vah minzcuz, faensik le hong saw vah minzcuz seizneix bungz daengz hwnghat seizheiq caeuq hojnanz daengj, hawj gyoengq boushag ndaej ik lai.

Ciuq cam rox, Swcigih Minzyijveij banh baez ban son'gyauq neix dwg vih gyagiengz hwnjguh aen doih vunzcaiz song saw vah, doidoengh hong gungganq ganbu song saw vah,

seiz son'gyauq daj ndwen 5 ngoenz 3 daengz ndwen 6 ngoenz 29. Boushag camgya son'gyauq cujiyou dwg daengx gih minzyij hidungj lingjdau ganbu、cizsuz danhvei caeuq bous ciennieb bwhlaeng rombwh aen bousmonz guhhong vah minzcuz gihcwngz daengj. Doiq gij cingzgvang dingzlai boushag giekdaj Sawcuengh Vahcuengh haemq ca, son'gyauq gocwngz neiyungz laeb miz vahyaem Sawcuengh Vahcuengh、yijfaz、sawloih daengj giekdaj cihsiz, goengcieng、baiz、hoihbiu daengj fanhoiz giekdaj cihsiz, gij lijun cwngcwz saw vah minzcuz, gij vwnzva conzdungj maenhndei minzcuz vunznoix、cekgej yisuz daengj, hawj son'gyauq engq miz cimdoiqsingq caeuq saedyauqsingq. (Veiz Cauh Vangz Hauyinz)

SIUSIK DINJ 简讯

●Ndwen 5 ngoenz 1 daengz 4, Dwzbauj Yen youq Guzginh Lijyouz Gingjih laebdaeb haiguh aen hozdung doxdax caeuq langhbaij fwen、Heiqcuengh、fouxgvangcangz daengj, hozdung guh 4 ngoenz, vih gyoengq boushek soengq bae baenzdauq minzcuz vwnzva gingdiemj cezmuz, caemhcai yungh eu fwen、diuqfoux daengj hingzsik caeuq boushek guh doxdoeng, baenz fanh bous boushek ndaej caennang camgya doxdoeng hozdung, youq ndawde ndaej daejniemh angqyangz.

(Nungz Yungjfang)

●Ndwen 4 ngoenz 27, youq mwh daengx gih haiguh aen hozdung ndwen senhconz minzcuz doxgiet cinbu bi 2018, Lungzlinz Gak Cuz Swciyen Sinhcouh Cin Minzcuz Segih Mbanjdouzdangz 30 lai bous beixnuengx Bouscuengh ndang daenj buhvaq moqsag, dawz haeuxnaengj homfwdfwd daengz diegyouq vujgingi cunghdui yawj camnai gyoengq guenbing, dawz minzcuz doxgiet cinbu daiq haeu ginhyingz bae.

(Dauz Dwzgvangh)

●Ndwen 5 ngoenz 1 dwg liggaeuq ndwensam cibroek, Yungzsuij Myauzcuz Swciyen Yungzsuij Cin Siujyungz Cunh Mbanjsihdung banh conzdungj mihhoih hozdung, haujlai boushek caeuq vunzlai daj henzgyawj mbanj daeuj haenx camgya aen yizsi caeqbaiq、youq gwnz raemx doiq fwen、gouzfuk cuengq duzlix daengj hozdung, gouzmuengh fwn yinz rumz swnh、haeuxgwn fungsou, angqhoh ciet guhhong gozci "haj it".

(Lungz Linzci)

●Ngonzgyaj "haj it" ngoenz daeuz, beixnuengx Yauzcuz Lungzswng Gak Cuz Swciyen Lungzciz Cin Cunghluz Cunh ciuq fungsug sibgveng haiguh caeq gocaz geq、ciengq gombaetcaz、diuq fouxmbaetcaz、lwgsau Hungzyauz langhbaij mbaetcaz daengj minzsuz hozdung, vih gyoengq boushek yienj gij fungsug conzdungj caeq caz Lungzciz cien ndaej cien bi neix, langhbaij gij yinxdaez daegbied gagmiz vwnzva caz Lungzciz, yinx ndaej boushek gak dieg daeuj youz guhcaemz.

(Vangz Shwchang)

Bouxcoz Denzyangz Ciengqgo Diuqfoux Hoh Hauxseng



田阳青年载歌 载舞庆青春

Vih geiqniemh "haj seiq" yindung 99 hopbi, angqhoh gungcinghdonz laeb donz 96 hopbi, mboengqneix, Gungcinghdonz Denzyangz Yen Veijyenzei cujiz banh baenzdauq geiqniemh "haj seiq" yindung 99 hopbi hozdung, ndaej daengz gyoengq bouxcoz daengx yienh angqcox caeuq camgya. Ndaw doz dwg ndwen 5 ngoenz 4 banhaemh, aen doih yisuz bouxcoz camgya aen vanjvei daengx yienh geiqniemh "haj seiq" yindung 99 hopbi.

(Vangz Gozsun/黄国顺)

"Sam Nyied Sam Bouscuengh·Aen Ciet Angq Guengjsae" Vahcuengh Doeg Gingdiemj Doxdax Youq Guengjsae Sawcuengh Hagdangz Banh

"壮族三月三·八桂嘉年华"壮语经典诵读大赛在广西壮文学校举行

Ndwen 4 ngoenz 28 banhaemh, "sam nyied sam Bouscuengh·aen ciet angq Guengjsae" Vahcuengh doeg gingdiemj doxdax gietsaiq youz Guengjsae Dendaiz Sinhvnz Gvangjbo (Sinhvnz 910)、Guengjsae Sawcuengh Hagdangz cawjbanh, Guengjsae Sinhgvangjbo Conzmeiz Mizhanh Gunghshw ciepbanh haenx youq Guengjsae Sawcuengh Hagdangz (Guengjsae Minzcuz Cungaengj Ciennieb Hagdangz) banh, gungh miz 20 doih senjsouj haeu gietsaiq.

Doxdax youq "cien vunz doeg gingdiemj" ndawde hainduj, cien

bous hagseng Guengjsae Minzcuz Cungaengj Ciennieb Hagdangz caez yungh Vahcuengh doeg 《Gienqhag》, ciengzmienth hawj vunz saengdoengh. Riengz dwk gak doih camgya doxdax youq gwnz daiz yungh Vahcuengh biucinj cingznaek doeg sei gingdiemj caeuq sei Sawcuengh cauhanduj, lijimiz hagseng Yeznanz、Laujvoh youq Cungguek louzhag haenx doeg gij bienmoeg gingdiemj guek bonjfaenh dem, youq seiz mbouj doxdax doeg gingdiemj, caphaeuj biujyienj diuqfoux Bouscuengh 《Ciendaih Loegvet Caq Coj》 daengj gij vwnzyi cezmuz

gig miz minzcuz daegsaek, cezmuz ndeiawj, doeg caeuq biujyienj ndeiawj ndaej daengz bouxyawj yienhciengz dopfwngz haenx.

Baez doxdax neix, muzdiz dwg senhconz gvancez gij cwngcwz saw vah minzcuz dangj caeuq guekgia, doigvangq gij vwnzva vah Bouscuengh, hawj Sawcuengh gyoepyaem caeuq Vahcuengh yaembiucinj hawj engq lai vunz roxyiuj、sugrox, hawj engq lai vunz gvansim、haeujcoengh caeuq camgya hong doihengz yungh Sawcuengh.

(Liz Houhan Banh Lezyingh)